

բողեաց զպարխազ քաղաքին Հոօմայ.
 սա շինեաց ՚ի Հոօմ՝ զտաճար արեգա-
 կանն՝ անչափ ակամբ և մեծածախս զար-
 դուք: Սա ուսոյց մարդկան ուտել զձիս
 խողի, սա ևս եհան հալածանս քրիս-
 տոնեից: Սա հարաւ ի կայծակէ, ապակա-
 նեալ մարմնովն, բայց ոչ սատակեցաւ:
 Սա վասն գոռողութեանն սպանաւ յիւ-
 բայնոցն և թաղեցաւ յուրպն Հոօմայ,
 զոր և պատուեցին արձանօք ըստ հնոցն
 քաջաց:

Ղեկոս՝ որ է Տացիոս՝ սկսաւ յամի
 Տեառն ՄՀԼ, ինքնակալեալ ամիսս Լ:
 Սա այր քաջ՝ բայց յոյժ ամբարիշտ,
 այլ ոչ ժամանեաց չար առնել և յան-
 կարծամահ սատակեցաւ:

Պրօբոս սկսաւ յամի Տեառն ՄՀԼ,
 ինքնակալեալ ամս Գ: Սա ազգաւ Պար-
 սիկ, այր հմուտ պատերազմաց, բազում
 յիշատակս չարս եթող իւրոց յետագա-